

nicht wol mit Ehren seinen Stand oder Haus-
haltung führen kan / vnd solches einem jedwe-
dern nicht klagen darff / sondern sich sehr genau
behelffen muß: Denen vnd andern die es nöhtig
möchten haben / ist dieses secretum zu Gefallen
von mir offenbahret / mit welchem so man fleiß-
sig vnd mit Verstand weiß vmbzugehen / ein
ziemliches Jährlich kan gewonnen werden: In
sonderheit wann er an einem solchen Orth woh-
net / da dergleichen Stein oder Berg- Arten ge-
nug zu bekommen seyn / vnd den spiritum salis
dazu gehörig machen kan / welcher im ersten
Theil meiner Philosophischen Ofen beschrie-
ben ist / vnd mit der Zeit auch noch auff ein besse-
re Weiß zu machen / wenn es die Gelegenheit
wird zulassen / möchte beschrieben werden. In-
terdessen man sich mit dem jenigen / was allbereit
heraus geben ist / behelffen kan.

So aber vielleicht ein oder ander in Berei-
tung desselben / auß der Beschreibung gedachten
Tractätleins nicht solte können zu recht kom-
men / so ist ihme nicht gewehret / vnd darff sich
nicht schämen bey die jenigen zu kommen / welche
täglich darmit vmbgehen / vnd der Kunst genug-
sam erfahren seyn / bey ihnen die Hand grieffe
(darinnen die Kunst bestehet / vnd nicht möglich
so genau zu beschreiben seyn) zu erlernen / vnd
die Zeit vnd Kosten so vnnützlich nit verschwen-
den dürffe.

S

Was